



ANG

Bayan

Pahayagan ng Partido Komunista ng Pilipinas  
Pinapatnubayan ng Marxismo-Leninismo-Maoismo

Edisyong Hiligaynon  
Especyal na isyu  
Disyembre 26, 2003  
[www.philippinerevolution.org](http://www.philippinerevolution.org)

# Makahason nga isulong ang rebolusyong Pilipino sa tunga sang labing nagalala nga krisis sa kalibutan kag sa pungsod

**Mensahe sa ika-35 nga anibersaryo sang Partido Komunista sang Pilipinas**

*Ni Kaupod Armado Liwanag*

*Tsirman, Komite Sentral*

*Partido Komunista sang Pilipinas*

*Disyembre 26, 2003*


**S**a ngalan sang Komite Sentral sang Partido Komunista sang Pilipinas, dungog ko nga ipaabot sa tanan nga kaupod, abyan kag sa malapad nga masa sang pumuluyo ang pinakamilitante nga pagtamyaw sang rebolusyonaryong paghiliusa sa okasyon sang ika-35 nga anibersaryo sang liwat nga pagkatukod sang Partido sa idalum sang teoritikal nga ubay sang Marxismo-Leninismo-Maoismo kag sandig sa kasaysayan sang Pilipinas kag subong nga hitabo.

Lubos kalipay nga ginasaulog naton subong ang mga dalagku nga kadalag-an nga natipon sang aton Partido sa isa ka malawig nga panahon, amo man sa mga bag-o nga kadalag-an nga nagaangkon sa idalum sang Tatlo ka Tuig nga Plano sang 1999-2002 kag sa nagligad nga tuig sa idalum sang Tatlo ka Tuig nga Plano sang 2003-2005. May mabakod kita nga tungtungan agud makahason nga isulong ang rebolusyong Pili-

pino sa tunga sang labing nagalala nga krisis sang pangkalibutanon nga sistemang kapitalista kag sang mga lokal nga nagaharing sahi sang dalagku nga kumprador kag agalon nga mayduta.

Ang naangkon naton nga mga kadalag-an lubos ginhatagan sang matutom nga pagtrabaho,

paghimakas kag mga sakripisyo. Angot sini, ginadanyaw naton ang tanan nga kadre




kag katapu sang Partido, mga Pulang kumander kag hangaway, ang mga aktibistang masa kag bilog nga pumuluyo sa tanan nila nga rebolusyonaryong pagpaninguha. Ginapahayag naton ang labing mataas nga pagdayaw sa mga rebolusyonaryong martir kag mga baganihan.

Napamatud-an sang Partido nga siya ang abante nga destakamento sang rebolusyonaryong proletaryo sa Pilipinas kag bilang pwersa nga nagapamuno sa rebolusyong Pilipino sa pagtib-ong sang Marxismo-Leninismo-Maoismo, sa pagsakdag sang pangkabilugan nga linya sang bag-o nga demokratikong rebolusyon paagi sa malawigan nga inaway banwa kag sa pagpalapad kag pagkonsolida sang organisasyon sang Partido sa idalum sang prinsipyo sang demokratikong sentralismo.

Ginapabugal sang Partido ang madinalag-on nga paglunsar sang inaway banwa sa sulod sang 35 ka tuig sa isa ka pungsod nga may estratehikong importansya sa imperyalismong US. Buylog nga nanindugan kag napangibabawan sang Partido kag sang pumuluyong Pilipino batuk sa mga dalagku nga hangkat sang imperyalismo kag reaksyon, lakip ang 14 tuig nga pasistang diktaduryang Marcos kag nagapadayon nga interbensyon militar sang US sa nanari-saring porma sang nagbulos nga mga rehimen.

Ginpakita naton nga madinalag-on ang malawigan nga inaway banwa sa isa ka malakolonyal kag malapyudal nga pungsod nga yara



permi sa krisis. Ang aton rebolusyonaryong kahublagan yara subong sa unahan sang mga pungsodnon nga kabublagan para sa kahilwayan sa kalibutan kag labing ginahandum naton nga mas madamo pa nga pumuluyo ang magalunsar sang armadong rebolusyon. Determinado kita nga himuson ang bag-o nga demokratikong rebolusyon ano man kalawig matigayon ini kag magaderetso sa rebolusyong sosyalista.

Sang nagkinagamu ang mga pungsod nga ginharian sang mga rebisyunista kag ginapanghaboy sang mga nagaharing rebisyunista ang mga karatula nga komunista kag sosyalista kag masako nga ginsapribado ang mga propyedad sang pumuluyo, ginalibod naman sang mga imperyalista, lokal nga reaksyunaryo, rebisyunista kag Trotskyistang traidor ang kabutigan nga ang Partido kag kahublagang masa nadulaan na kuno sang ginhalinan sang inspirasyon pang-ideolohiya kag materyal nga suporta.

Nangluya ang mga kontrarebolusyonaryo sang naglunsar ang Partido sang Ikaduha nga Dungganon

nga Kahublagan Panadlong kag liwat palig-unon ang anti-rebisyunista nga pusisyon sini, sawayon kag sikwayon ang mga rebisyunistang traidor kag mga indi magbag-o nga oportunista kag pagkatapos sawayon kag sikwayon ang "bagong areglo", globalisasyon sang "libreng merkado" kag nanari-saring antikomunista nga kasaypanan nga naputos sa lenggwaheng petiburges.

Sa pagsakdag sang Marxismo-Leninismo-Maoismo, pagpamuno sa labing pagsulong sang rebolusyong Pilipino kag sa pagpahayag sang iya pusisyon sa mga halambalanon pangkalibutanon, signipikante nga nag-amot ang aton Partido sa mga pagtinguha sang pangkalibutanon nga kahublagang komunista kag sang malapad nga kahublagan anti-imperyalista para pamatukan ang kumplikado nga opensiba sang mga imperyalista kag naangkon sini ang pagkilala, pagrespeto, pagsuportahanay kag kooperasyon sang mga komunista kag mga partido sang mamumugon kag sang proletaryado kag pumuluyo sa pangkalibutanon nga sakup.

## 1. Nagadaku nga Kusog sang Partido

Lubos kapagsik naton ginapatumang ang Tatlo ka Tuig nga Plano para sa 2003-2005 agud palig-unon pa ang Partido sa ideolohiya, pulitika kag organisasyon, pataason ang lebel sang inaway banwa kag magsulong sa tanan nga bahin.

Ginatungtungan naton ang mga kadalagan nga naangkon sa pagpatuman sang Ikaduha nga Dungganon nga Kahublagan sa Panadlong kag sa Tatlo ka Tuig nga Plano sang 1999-2002.

Padayon kita nga nagakuha

inspirasyon sa Una nga Kahublagan Panadlong nga ginlunsar sang 1967 kag sa Ikaduha nga Dungganon nga Kahublagan Panadlong nga ginlunsar sang 1992. Ang mga kahublagan panadlong nga ini lunsay nakapabaskog kag liwat nagpabaskog sa

Partido sa ideolohiya, pulitika kag organisasyon. Ginsaway kag gintadlong sang Una nga Kahublagan Panadlong ang mga mayor nga kaysaysapan sugod 1930 kag namuno sa liwat nga pagtukod sang Partido sang 1968. Ginsaway kag gintadlong sang Ikaduha nga Dungganon nga Kahublagan Panadlong ang mga mayor nga kasaypanan sugod 1980 kag nagpapagsik ini sa Partido sa masobra isa ka dekada na subong.

Ang tanan nga organo sang Partido, yunit kag indibidwal nga katapu yara sa nagapadayon nga proseso sang pagtuon kag paghibalo sang teorya kag praktika sang Marxismo-Leninismo-Maoismo. Gani natanum sa ila mga kaugalingon ang proletaryo nga panindugan, panan-awan kag pamaagi. Handa sila sa pagsaway kag pagsikway sang suhetibismo, sa porma man ini sang rebisyunismo, empirismo ukon dogmatismo.

Maintegrar nila ang mga basehang prinsipyo sang Marxismo-Leninismo sa kongkreto nga mga kahimtangan kag pratika sang rebolusyong Pilipino. Nangin desaysibo ang Ikaduha nga Dungganon nga Kahublagan Panadlong sa ila pagtuon. Manggaranon sa mga materyal nga pagtuon ang kaangot nga mga pagsuma nga gintigayon sang mga nagapamuno nga organo kag istap sang Partido sa nagkalain-lain nga lebel kag sang mga yunit sang Partido nga nagatungod sa nagkalain-lain nga tipo sang teritoryo, nagkalain-lain nga tipo sang hilikuton kag nagkalain-lain nga organisasyong masa.

Labaw sini, ang tanan nga kadre kag katapu sang Partido ginaobligar nga maglunsar kag magtuon sa mga imbestigasyon sosyal angot sa ila hilikuton pangmasa, sa pagtasa kag pag-ebalwar sang ila hilikuton kag pauswagon ang ila trabaho kag estilo sa pagtrabaho. Ang mga organo kag mga yunit

sang Partido nagahiwat sang mga miting pagtuon nga may angot sa ila subong nga hilikuton, sa mga estratehikong halambalanon kag mga pinili nga balasahon.

Padayon nga ginahiwat ang mga pormal nga kurso sa basehan, intermedya kag abante nga lebel. Ang basehan nga kurso nagatuyo sa pagsiguro nga kada katapu sang Partido makakuha sang basehan nga edukasyon sa Marxismo-Leninismo kag sa rebolusyong Pilipino. Ang intermedya nga kurso nagatuyo nga hatagan ang mga kadre sang madalum nga ihibalo sa subong nga rebolusyon kag sa paghimo sang kumparatibo nga pagtuon. Ang abante nga kurso nagatuyo nga mapamilyarisa sa mga kadre sang Partido ang klasiko nga sinulatan sang Marxismo-Leninismo sa pilosopiya, ekonomya pangpulitika kag estratehiya kag mga taktika kag nagakinahanglan sa ila nga mag-analisa sa mga mayor nga problema sa Pilipinas kag sa kalibutan.

Nakapagguwa ang Partido sang mga malahalona nga teoritikal kag praktikal nga dokumento nga may kabilanggan sa edukasyon sang mga katapu sang Partido. Nagalaki ini sang kritika sa moderno nga rebisyunismo kag ang pagkaguba sang mga estado nga ginharian sang mga rebisyunista, sa mga kinaiya sang monopolyong kapitalismo, globalisasyon sang "libreng merkado", pagka-agresibo sang "neokonserbatibo" kag nagkalain-lain nga tipo sang petiburges nga antikomunismo, lakip ang neokautkyismo kag Trotskyismo. Ang Partido ginkilala sang mga partido komunista kag mga progresibong organisasyon sa luwas sang pungsod sa iya teoritikal kag pulitikal nga analisis.

**Maintegrar nila ang mga basehang prinsipyo sang Marxismo-Leninismo sa kongkreto nga mga kahimtangan kag pratika sang rebolusyong Pilipino.**

sod sa iya teoritikal kag pulitikal nga analisis.

Determinado kag militante nga ginasulong sang Partido ang pangkabilugang linya pangpulitika sang bag-o nga demokratikong rebolusyon paagi sa inaway banwa batuk sa imperyalismong US kag mga lokal nga mapanghimulos nga sahi sang dalagku nga kumprador kag agalon nga mayduta. Tanan nga kadre kag katapu sang Partido nagahiliusa sa paglunsar sang demokratikong rebolusyon sa idalum sa pagpamuno sang proletaryado sa pagsabat sa ginaatubang nga mga malakonyal kag malapyudal nga kondisyon kag sa malawigan nga paghanda sa sosyalistang rebolusyon.

Ang ginapalapnag nga kabutigan sang mga reaksyunaryo kag mga indi magbag-o nga oportunista nga ang Pilipinas indi na malapyudal kundi nag-abot sa mataas nga lebel sang pagka-industriyalisado kag urbanisasyon umpisa sa panahon sang daku nga kumprador nga pasistang rehimeng Marcos, lubos ginahimutig sa atubang sang atrasado nga kahimtangan agraryo nga ginapakita sang labing nagalala kag labing nagadalum nga krisis. Nadulaan man kabilanggan ang ginangasal nga lipas na ang mga halambalanon sang pungsodnon nga soberanya kag pungsodnon nga patrimonya sang ginapamatukan sang malapad nga masa sang pumuluyo ang makahalalit nga kinaiya sang globalisasyon sang "libreng merkado" kag ang kakugmat sang imperyalistang terorismo kag mga gerang agresyon.

Bunga sang Ikaduha nga Dungganon nga Kahublagan Panadlong, mas may ikasarang ang Partido nga

tun-an ang petiburges nga baseng sosyal sang mga Tuo kag "Wala" nga oportunistang kasaypanan kag tendensya kag matun-an ang epektibong pagpamatuk kag paggabot sini sang epektibo. Ang kadalag-an naton batuk sa oportunismo, repormismo kag likidasyonismo sa sulod sang Partido nagpadasig sa pagdaku sang Partido kag sa rebolusyonaryo nga kahublagang masa. Labi pa nga naglain ang mga indi magbag-o nga oportunista kag rebisyonistang traidor kag lubos nga nabuyagyag bilang mga espesyal nga ahente sang kaaway.

Padayon nga ginaangot sang Partido ang sahing mamumugon sa mangunguma paagi sa pagsalig pangunahon sa mga imol nga mangunguma kag mga mamumugon sa uma, paghabig sa mga nahanunga nga mangunguma, pagnyutralisa sa mga manggaranon nga mangunguma kag ginahingalitan ang mga kontradiksyon sa tunga sang muklat kag despotiko nga agalon nga mayduta agud ihamulag kag waskon ang gahum sang naulihi. Ini ang rebolusyonaryo nga makasahing linya sang Partido sa pagpatuman sang antipyudal nga demokratikong rebolusyon, sa paglunsar sang malawigan nga inaway banwa, sa pagpatuman sang reporma sa duta kag sa pagtukod sang mga organo sang gahum pangpulitika kag mga organisasyong masa sa kaumhan.

Padayon nga nagasunod ang Partido sa estratehikong linya sang paglunsar sang inaway banwa sa isa ka malawig nga panahon paagi sa pagpalibot sang kasyudaran halin sa kaumhan kag pagtipon sang kusog tubtub masarangan na ang pag-agaw sang kasyudaran. Sa pagpamuno sang Partido, ang Bag-

ong Hangaway sang Banwa nagatipon sang armadong kusog paagi sa paglunsar sang mga taktikal nga opensiba sa sulod sang subong nga halintang sang estratehikong depensiba. Nagalunsar ini sang mai-akit kag malaparan nga inaway gerilya sandig sa nagapalapad kag nagapadalum nga baseng masa. Sa kabilugan nakumpleto sini ang maaga nga bahin sang estratehikong depensiba kag subong yara sa proseso sang pag-uswag sang nahanunga nga bahin.

May linibo ini nga mga Pulang hangaway nga may awtomatikong riple kag mabaskog nga kalibreng armas. Nakakuha sila sang pulitiko-militar nga paghanas kag natilawan sa mga inaway kag sa hilikuton pangmasa. Nagdaku ang ila numero sa kada tuig nga tantos sang 10-15 % halin 1991 tubtub 2001 kadungan sa pagdugang sang mga mabaskog nga kalibreng riple sa kada tuig nga 11-16 % sa amo man nga panahon. Pero, madamo gihapon ang mga Pulang hangaway sangsa mga baril sa tantos nga 3:2. Gani may gilayon nga kinahanglanon sang pag-agaw sang mas madamo nga armas paagi paglunsar sang mga taktikal nga opensiba.


Ang BHB nagahulag sa 128 ka prenteng gerilya nga nagasakup sa minilyon nga pumuluyo. Yara sila sa masobra 8000 baryo ukon halos 20 % sang tanan nga baryo. Yara sila sa kadam-an nga bahin sang 700 tubtub 800 ka banwa kag syudad (mga 50 % sang kabilugan) kag sa masobra 90 % sang mga prubinsya. Sa direksyon sang Partido, hungod nga ginpahinay sang hangaway sang banwa ang pagdugang sang numero sang mga prenteng gerilya (ikumparar sa mataas nga tantos sang pagdamo

sa ulihi nga bahin sang dekada 1990) agud makapalapad kag makakonsolida ang kada prenteng gerilya.

Napaslawan ang kaaway sa mga tinutuyo sini nga todo-gera nga polisiya kag pagkonsentrar sang mga pwersa militar sa 12 ka pili nga prenteng gerilya umpisa 2001. Padayon sa pagdaku kag indi mapunggan ang armado nga rebolusyonaryong kahublagan. Makakonsentrar ang kaaway sang mga pwersa militar sa 12 ka prenteng gerilya kag makahimo sang tanan nga kalautan batuk sa pumuluyo. Pero sa masobra 110 ka prenteng gerilya amo man sa mga bag-o nga erya, ang BHB dugang pa nga makapabaskog, makatungod sang rebolusyonaryong hilikuton kag makalunsar sang mga taktikal nga opensiba.

Mataas nga prayoridad ang ginahatag sang Partido sa pagpatuman sa rebolusyonaryo nga polisiya sa reporma sa duta agud sabton ang demanda nga duta sang mangunguma nga amo ang pangunahon nga kaundan sang demokratikong rebolusyon. Luwas sa kampa-nya sa reporma sa duta, ang Partido nagalunsar sang mga kampanya para organisahon kag hatagan edukasyon ang masa, pataason ang produksyon, pauswagon ang kahimtangan sa ikaayong lawas kag sanitasyon, hanason ang pumuluyo sa pagdepensa sa kaugalingon, buhinan ukon dulaon ang iliterasiya, sakdagon ang mga hilikuton pangkultura, aregluhon ang mga banggianay sa tunga sang pumuluyo kag iban pa.

Sistematiko nga nagatukod sang Partido ang baseng masa sang rebolusyon. Nagalakip ini sang mga lokal organo sang gahum pangpulitika kag sang mga organisasyong masa. Ang mga lokal nga organo sang gahum pangpulitika nagatindog nga demokratikong gubyrerno sang pumuluyo. Sila ang rebolusyo-





naryong gubyrno sang mga mamumugon kag mangunguma nga yara sa isa ka gera sibil batuk sa reaksyunaryong gubyrno sang dalagku nga kumprador kag agalon nga mayduta. Suportado sila sang mga organisasyong masa sang mga mamumugon, mangunguma, kababainhan, pamatan-on kag iban pa kag sang malapad nga masa sang pumuluyo. Ang katapuan sang mga organisasyong masa nga ini nagalabot sang ginatos ka linibo kag nagadaku sa kinaandan nga tantos kada tuig sang 19.4 % halin 1999 tubtub 2001.

Ang pumuluyo amo ang wala nagakahubas nga kusog sang Partido kag sang hangaway sang banwa. Ang labing maayo nila nga mga anak nga lalaki kag babaye nagapasakup sa rebolusyonaryong pwersa. Bukas sila maghatag sang bulig kon may benepisyo sila sa reporma sa duta, pagpataas suhol, mas mataas nga produksyon, mas maayo nga presyo sang ila mga produkto, edukasyon pangmasa, ikaayong lawas, hilikuton kultural, pangsulod nga seguridad kag depensa. Ang polisiya sa pagbuhis sang demokratikong gubyrno nagatuyo sa pagpataas sang resorsa para sa benepisyo sosyal sang pumuluyo.

Ginakoordinar ang Partido sa rebolusyonaryong pwersa kag pumuluyo sa kasyudaran kag kaumahan. Agud matigayon ining koordinasyon, nagagamit ang mga organo kag mga yunit sang Partido sang ligal kag iligal nga metodo sang pagtrabaho. Nagaluntad kag nagadamang ang mga grupo sang Partido sa mga ligal nga institusyon, pati sa mga organisasyon sang mga reaksyunaryo. Nagatinguha pirme ang Partido nga hatagan sang iksarang ang armado nga rebolusyonaryong kahublagan kag ang ligal nga kahublagang masa nga makasulong sa ila tagsa ka pamaagi batuk sa balwarte sang reaksyon.

Madinalag-on natuman sang Partido ang iya polisiya sa nagahilugyong prente. Agud dugang nga pabaskugon ang basehan nga alyansa sang mamumugon-mangunguma, nagatukod ini sang iban nga porma sang alyansa. Ang mga ini amo ang alyansa sang progresibong pwersa nga nagalakip sang anakbalhas kag sang petiburgesya sa syudad, ang alyansa sang patriyotikong pwersa nga nagalakip sang nasambit kag sang nahanunga nga burgesyag kag sang temporaryo kag indi istable nga alyansa sa pila ka seksyon sang mga reaksyunaryo sa katuyuan nga ihamulag kag lutuson ang kaaway.

Ang polisiya sa nagahilugyong prente kag mga taktika sang Partido nagatuyo sa pagtimbang kag pag-suporta sa rebolusyonaryo nga armadong paghimakas kag pukawon ang pumuluyo sa ila minilyon dugang sa nagaluntad nga isip sang pumuluyo sa organisadong rebolusyonaryong pwersa nga magupod sa nagkalain-lain nga porma sang paghimakas kag magalsa sa mga aksyong masa. Mas malapad nga alyansa, mas epektibo sini mahamulag kag mapaluya ang kaaway. Sa eksperensya, madinalag-on nga naggamit sang Partido ang malapad nga tipo sang alyansa agud ihamulag kag pukanon ang pasista nga rehimeng Marcos sang 1986 kag ang garuk nga rehimeng Estrada sang 2001. Ang kusog kag eksperensya nga naangkon partikular sa pagpukan sa mga nagaharing hubon mahimo makapadulong sa pagpukan sa garuk nga nagaharing sistema sa maabot nga inadlaw.

Ang demokratiko nga kahublagang masa sang mga mamumugon,

mangunguma, mangingisda, imol sa syudad, mga pungsodnon nga minorya, kababainhan, propesyunal, negosyante kag iban pa nagatigayon sang labing malahalang nga mga porma sang ligal nga paghimakas. Nagahiwat sang kahublagang masa sang napanahon nga mga opensiba pangpropaganda kag aksyong masa angot sa malawigan nga isyu amo man sa mainit nga mga multisektoral kag sektoral nga isyu. Iban pa nga tipo sang ligal nga paghimakas amo ang pagpangapin sa mga tawhaon nga kinamatarung bisan yara sa mga reaksyunaryo nga husgado, ang mga negosasyon pangkalinungan sa tunga sang Government of the Republic of the Philippines (GRP) kag sang National Democratic Front of the Philippines (NDFP) kag ang nagapalapit nga reaksyonaryong eleksyon.

Sa rebolusyonaryong pananaw, ang mga ligal nga porma sang paghimakas ginasisigahum sang Partido bilang pamaagi sa pagbuyagyag sa kagarukan sang nagaharing sistema, pagpalapnag sang kabilugan nga linya sang bagong demokratikong rebolusyon, mabuhin-buhinan ang pagpamigos kag pagpanghimulos tubtub sa isa ka lebel kag, kon indi mahimo, ginabuyok ang pumuluyo nga magpaminsar kag maghulag sa rebolusyonaryong paagi. Pinakadeterminado kag pinakamilitante ang mga patriyotiko kag progresibo nga organisasyong masa sa paghimakas para sa pungsodnon nga kahilwayan kag demokrasya.

Kada tuig ang Partido nagadaku sa organisasyon bangud sa hugot nga pagsunod sini sa prinsipyo sang demokratikong sentralismo

**Kada tuig ang Partido nagadaku sa organisasyon bangud sa hugot nga pagsunod sini sa prinsipyo sang demokratikong sentralismo kag ginasikway pareho ang burukratismo kag anarkiya.**

kag ginasiway pareho ang buruk-ratismo kag anarkiya. Ang sentralisado nga pagpamuno nakasandig sa demokrasya kag amo man ang demokrasya ginaubayan sang sentralisado nga pagpamuno. Ang tanan nga nagapamuno nga organo, mga yunit kag mga indibidwal katapu nagapalambo sa balansyado nga pagpangabuhì sa disiplina kag kahilwayan sang Partido.

May pila ka pulo ka libo ang pungsodnon nga katapuan sang Partido. Nagdaku ini sa pagrekrut sa mga pinakaabanse nga elemento halin sa armado nga rebolusyonaryong kahublagan kag sa ligal nga demokratikong kahublagang masa. Gani natigayon sini nga mapahugot kag mapadalum pa sini sangsa nagtaliwan ang angot sa mga masang anakbalhas sang mga mamumugon kag mangunguma. Muklat ini kama nga padamuon ang katapuan halin sa sahing mamumugon kag mangunguma agud palig-unon ang iya rebolusyonaryong basehan kag kinaia.

Ginapundar sang Partido ang iya organisasyunal nga kusog paagi sa pagtukod sang mga sanga sa mga lokalidad kag sa mga lugar sang palamugnan kag sa pagpili sang mga nagapanguna nga organo

pataas humalin sa lebel sang sanga. Kadungan man, nagatukod ini sang mga grupo sang Partido sa sulod sang nagkalain-lain nga tipo sang mga organisasyong masa kag mga institusyon. Bilang pangunahon nga organisasyon sang Partido, ang Bag-ong Hangaway sang Banwa may isa nga mataas nga proporsyon sang mga katapu sang Partido. Dugang diri, ululupod sa matag-adlaw nga pagpangabuhì kag pagtungod sang hilikuton ang mga Pulang kumander, mga upisyal pangpulitika kag Pulang hangaway.

Ang labing mabudlay kag delikado nga mga hilikuton amo ang sa kaumhan, ilabi na sa mga prenteng gerilya. Sistematisado nga ginabuyok sang Partido ang mga kadre kag katapu sang Partido nga mga mamumugon kag edukado nga pamatan-on nga magpasakup sa rebolusyonaryong paghimakas sa kaumhan. May pangpulitika kag teknikal nga ikasarang sila para sa pagpataas sa lebel sang hilikuton kag paghimakas. Ang mga aktibistang masa nga gusto mangin katapu sang Partido ginabuyok man kag ginaobligar nga magkadto sa kaumhan agud magtuon didto sang paghimakas kag maghatag serbisyo sa pumuluyo.

Muklat ang Partido sa katungdanan sini nga buyukon ang mga kababainhan nga mag-upod sa kubay sini. Nangin makusog pa ini sa pagdugang sa kadamuon sang kababainhan sa katapuan sang Partido kag sa organo sang pamunuan. Ang nagapadaku nga papel sang kababainhan sa sulod sang Partido nagaserbi nga inspirasyon sa kababainhan amo man sa kalalakin-an sa pangkabilugan. Kon wala ini, madula sa Partido kag rebolusyonaryong hublag ang malahalon nga ikasarang kag daku nga epektibidad.

Bangud sa mas daku kag mas de-kalidad ang katapuan sangsa nagligad, makatungod ang Partido sang mas malapad nga sari sang mga hilikuton kag sa paagi nga mas maayo sangsa nagligad. Sa pagdugang sa organisasyunal nga kusog sini, sa pusisyon ang Partido nga pamunuan sang maayo ang proletaryado kag pumuluyo sa makahason nga pag-abante sang rebolusyong Pilipino sa tunga sang labing nagalala nga krisis sa pangkalibutanon nga sistemang kapitalista kag sa lokal nga nagaharing sistema sang dalagku nga kumprador kag agalon nga mayduta.

## 2. Labing nagalala nga krisis pungsodnon

Kada adlaw labing nagalala ang sosyo-ekonomikong krisis sang nagaharing sistema. Sa mayor nga talandaan maathag nga nagapakita nga nagalugdang ang malapyudal nga ekonomya sang Pilipinas. Ang lubos nga pagyaob sang rehimeng Macapagal-Arroyo sa polisiya sang US nga globalisasyon sang "libreng merkado" labi nga nagbutang sa ekonomya sang Pilipinas sa pagkabangkrap kag depresyon. Ginpahigad sang rehimen ang demanda sang pumuluyo para sa kahilwayan sa ekonomya, pag-amlig sa pung-

sodnon nga patrimonya, reporma sa duta kag pungsodnon nga industriyalisasyon kg ginahalitan sini

ang ekonomya sa kadasigon nga wala pa matupungan sa nagtaliwan.



Ang agrikultural nga produksyon kag ang limitado nga manupaktura para sa lokal nga konsumo ginalumos sang mas mataas nga bili sang imported nga kagamitan, panggatong kag mga sangkap kag sang pagbaha sang mga sobrang produkto halin sa luwas sang pungsod. Amo man, ang produksyon sang hilaw materyales (agrikultural kag mineral) kag mga eksport nga may manubo nga dugang nga balor ginalumos sang pangkalibutanon nga sobrang produksyon sang amo sini nga tipo sang produkto kag sang nagatibusok nga presyo sang ila mga produkto nga mas nubo sa ginagastos sa produksyon nga nagasalig sa import.

Ang importasyon sang mga produkto para sa lokal nga konsumo sang mga ordinaryo nga pumuluyo kag sang mga luho sang mga mataas nga burokrata kag mapanghimulos nga sahi kag sa pagsustento sa mga operasyon nga burokratiko kag militar sang reaksyunaryong gubyrno ginagastuhan sang indi mabatas nga nagasinaka nga mga buhis, lokal nga pagpangutang publiko (agud abonuhan ang nagadaku nga depisit sa badyet) kag utang pangluwas (pangunahon para pun-an ang nagadaku permi nga depisit sa komersyo).

Bisan ang mga upisyal sa pinansya sang reaksyunaryong gubyrno nagaako nga may krisis sa pinansya. Nagalab-ot na sa lebel sang 5.162 trilyon pisos ang kabilugan nga utang, mas daku pa ikumparar sa kabilugan nga produksyon sang ekonomya. Nagalakip diri ang mga kautangan sang burokrasya kag sang mga institusyon korporasyon pinansyal. Ang bayad-

utang lamang 357 bilyon ukon 46 % sang kabilugan nga badyet. Ang utang sang gubyrno nasyunal nagalab-ot sa mga US\$58 bilyon ukon mga 60 % sang kabilugan nga utang publiko.

Kahalam-utan ang badyet sang reaksyunaryong gubyrno. Mataas ang gintalana sini maksimum nga sukatan para sa depisit nga paggasto pero sa nakatabo masami nga nagalapaw ini. Nag-imponer

ini sang mas mataas nga buhis sa isa ka rusdak nga ekonomya kag padayon nga nagagasto sang daku nga kantidad sang nakolekta nga buhis para sa pagbayad-utang, militarya kag pulisya, pondo sa paniktik, mga biyahe sa luwas sang pungsod, kompyuter, kotse para

sa mataas nga upisyal publiko kag iban pa.

Padayon nga nagagamay ang mga pondo para sa edukasyon, ikaayong lawas, pamalay kag iban nga serbisyo sosyal. Nagakumpe-tensya ang kurapsyon sa lugdang nga ekonomya bilang isa ka ginabangdan sang nagbuhin nga kita sang gubyrno. Ang depisit sa badyet sang nagtaliwan nga tuig 217 bilyon pisos. Agud tabunan ang depisit sa badyet, nagpangutang ang rehimeng Macapagal-Arroyo sa mga *capital market*<sup>1</sup> sa sulod kag guwa sang pungsod kag pangunahon nagsalig sa pribado nga pautang sang US nga may mabug-at nga kundisyon.

Gulpe nga nagatibusok ang ekonomya sang Pilipinas umpisa sang krisis sa pinansya sang 1997 bunga sang pangkalibutanon nga sobrang produksyon sang manubo sang dugang nga balor sang semi-manupaktura kag sa pagkahina sang pribadong konstruksyon. Um-

pisa sadto, nagtimbuok ang tantos sang wala trabaho pasaka sa lebel sang masobra 50 %, kon indi naton sundon ang kaladlawan nga depinisyon sang *unemployment*, *underemployment* kag *self-employed* sa upisyal nga istatistiks. Nagakadula ang kadam-an sa trabaho nga malip-ot nga kontraktwal kag partaym sa mga *sweatshop*<sup>2</sup> nga konektado sa mga multinasyunal nga kumbuyahan amo man sa mga kaswal nga trabaho sa gubyrno. Luwas pa ini sa pagbuhin sa mga regular nga pultaym nga trabaho sa idalum sang ginasiling pleksible nga polisiya sa pangabudlay.

Mabaskog nga gin-igo sang desempleyo kag nagakupos nga kita indi lang ang masang anakbalhas sang mamumugon kag mangunguma kundi pati ang nahanunga nga saray sang sosyedad. Masobra sa 85% sang pumuluyo ang nahulog sa lebel sang kaimulon. Mapintas nga ginaatake ang malapad nga masa sang pumuluyo sang mga direkta kag indirektang buhis, mga presyo sang basehang konsumo kag mga balayran sa madasig nagalala nga serbisyo sosyal kag imprastruktura. Madasig nga nagasinaka ang mga pagsinuluktan sa tubig, elektrisidad, pamasaha kag iban nga pangpubliko nga kagamitan.

May malala nga malnutrisyon ang masobra sa 60 % sang kababainhan kag mga bata. Lapnagon ang balatian kag madali madapuan sang balatian. Halos wala ang pagtatap sa ikaayong lawas halin sa reaksyunaryong gubyrno lunsay sa kaumhan kag kasyudaran. Nagadamo nga nagadamo ang mga bata nga indi makaeskwela bangud sa maiwat nga pagpangabuhin sang mga ginikanan nila kag ang kawadon sang pasilidad sa eskwelahan. Yara lamang sa mga pangunahon nga syudad ang pakita-tawo nga mga proyekto sa pamalay nga ginagastuhan sang reaksyunaryong estado.

Ang sobra nga suplay sang enerhiya bunga sang paglapnag sang putos-sa-kagarukan mga *private power producers* kag sa pag-operar sang Malampaya *gas pipeline* wala nagpanubo sa sukot sa serbisyo kundi nagduso pa sa mga kumpanya sang elektrisidad nga magsukot sang sobra sa mga konsumidor. Ang pribatisasyon sang serbisyo sa tubig *national capital region* nagresulta sa wala katapusan nga sobra suluktan kadungan sang nagapalala nga serbisyo.

Sa pihak sang bangkrap kag lugdang nga kahimtangan sang ekonomya sang Pilipinas, ginapabugal sang reaksyunaryong guberno ang kuno nagapataas ang tantos sang pagtubo sang ekonomya kag ang tantos sang wala trabaho mas manubo ikumparar sa pila ka mauswagon nga kapitalistang pungsod. Ang mga aktibidad nga gingastuhan sang utang publiko, ang sobra nga pagpadaku sa bahin sang sektor sa serbisyo sa ekonomya kag ang mga remitans sang mga *overseas contract worker* nagatuga sang ilusyon nga naga-uswag pataas ang ekonomya. Ang dayaon nga depinisyon sang empleyo nagahatag man sang ilusyon nga mas manubo ang tantos sang wala trabaho sangsa nagakatabo.

Bangud sa krisis pangpulitika sang nagaharing sistema, nabudlayan na ang nagaharing sahi sang dalagku nga kumprador kag agalon nga mayduta nga maggahum sa daan nga paagi. Nangin masingki kag mapintas ang mga kontradiksyon sa tunga sang mga reaksyunaryong koalisyon, mga partido, mga paksyon kag mga personahe. Nalimitahan sang malala nga krisis pang-ekonomya ang mahimo kawaton sa guberno mahatagan kag mabusog ang nagahari kag mga karibal nga paksyon sang mga pulitiko nga nagatiglawas sa mga mapanghimulos nga sahi sang dalagku

nga kumprador kag agalon nga mayduta. Padayon nga nagabangan ang mga paksyon bisan sa sulod sang nagaharing koalisyon nga ginapamunuan sang hubon Macapagal-Arroyo. Gani pabag-o-bag-o ang korte kag kaundan sang koalisyon.

Pagkatapos sang patuyang nga pagpangutang sang rehimeng Ramos lunsay sa lokal kag sa luwas sang pungsod kag malaparan nga pagsipot sang mga resorsa, mahapos mabuyagyag sang oposisyon sang kagarukan ang mga nagbulos nga rehimen nanday Estrada kag Macapagal-Arroyo. Baraghal nga nagakuha ang mga nagaharing hubon sang daku nga parte sa mga pangpubliko nga kontrata kag mga pautang sang mga ahensya pangpinansya sang guberno kag pribado nga nagakontrol sa mga pasugal kag iban pa nga ginakitaan nga aktibidades kriminal.


Ang mga kontradiksyon sa tunga sang mga reaksyunaryong pulitiko ginasalaming sa mga kontradiksyon sa tunga sang mga upisyal militar kag pulis. Mahalalon sa kada reaksyunaryong pulitiko ukon partido nga magpangita sang maayo nga koneksyon sa paksyon sang militar kag pulis. Sa amo man malahaloon para sa mga upisyal militar kag pulis nga magpangita sang maayo nga koneksyon sa mga paksyon sang mga reaksyunaryong pulitiko. Nagaproteksyunanay ang mga paksyon sang burukratiko kag mga armadong makinarya sang estado.

Ginagamit sang pinakamalaut kag pinakamabaskog nga paksyon sang mga upisyal militar kag pulis

ang ila tinawo sa pagkontrol kag pagpadalagan sang mga sindikato kriminal nga imbolbado sa ginadumilian nga droga, pasugal, prostitusyon, *kidnapping for ransom*, ismagling, bayaran nga pagpatay, pagpangawat, pagkarnap, kag madamo pa. Ang mga pinakamabaskog nga paksyon may aktibo nga ahente sa reaksyunaryong pulitika sa nasyunal nga lebel. Nagatipon sila sang pondo para sa kampanya para sa napilian nila nga mga kandidato sa pagkapresidente. Nagapresentar subong nga kandidato sa pagkapresidente ang anay upisyal sang nasyunal nga pulisya, ang anay hari sang kriminal.

Lapnagon ang kurapsyon kag kriminalidad sa kubay sang mga mataas nga upisyal militar, lakip sanday anay *defense secretary* Gen.

Angelo Reyes kag anay *intelligence chief* Brig. Gen. Victor Corpus, gani masobra 300 ka mga manubo nga upisyal sang armi kag nabal naghiwat sang aksyong protesta sa publiko sad-tong Hulyo 26, 2003 kag upod sa ginbuyagyag nila nga krimen sang pagpadaku presyo



sang mga suplay sang mga suldado kag ang terorista nga pagpangbomba nga pumatay sa madamo nga sibilyan sa Mindanao sa katuyuan nga hatagan rason ang terorismo sang estado kag interbensyon militar sang US sa balibad nga "gera sa terorismo".

Ginamanipular sang US ang papet kag kurap nga kinaiya sang rehimeng Macapagal-Arroyo agud makadikta sa polisiya pang-ekonomya santo sa islogan nga globalisasyon sang "libreng merkado" kag makapasulod sa sang mga ahente



nga maka-US sa importante nga bahin sang burukrasya bilang prente sang ginatawag Accelerating Growth, Investment and Liberalization with Equity (AGILE) agud magduso sang mga polisiya kag layi nga pabor sa US kag mga kumpanyang US nga multinasyunal. Gingamit man ang islogan sang "gera sa terorismo" agud makalunsar sang terorismo sang estado batuk pumuluyo kag iduso ang interbensyon militar sang mga tropang US kag kapares sang pagbalik sang mga base militar sang US paagi sa Mutual Logistical Support Agreement.

**Sin-o man kanday anay Sen. Raul Roco ukon artista nga si Fernando Poe, Jr ang mangaduha sa iya, madali matukod ang isa ka malapad nga nagahiliugyong prente para mag-alsa agud pasabton siya sa pagpangawat sa eleksyon.**

Sa kumpas sang US, ginpagguwa ni Macapagal-Arroyo nga terorista ang rebolusyunaryong kahublagan kag naghugyaw sa bilang sang Partido, BHB kag *chief political consultant* sang NDFP sa listahan sang mga "terorista" sang US, Dutch, European Council kag iban pa. Angot sini, ginpaisog kag ginbwelo niya ang pinakabrutal nga mga kampanya sang pagpamigos batuk sa pumuluyo kag sa rebolusyunaryong pwersa, ilabi na sa kaumhan.

Ginsuspender man niya ang mga negosasyon pangkalinungan sa tunga sang Government of the Republic of the Philippines (GRP) kag sang National Democratic Front (NDFP). Pati ang mga militanteng unyon kag iban pa nga organisyong masa gin-akusahan niya sang "terorismo" bangud sa pagpangapin sa pungsodnon kag mga demokratikong kinamatarung kag pagdemanda sang mga sosyal kag pang-ekonomya nga reporma agud mabuhinan ang kabudlayan sang pumuluyo.

Butigon ang pagtan-aw sang

malapad nga masa sang pumuluyo kay Macapagal-Arroyo dahil sa pagdeklarar sadtong Disyembre 30, 2002 nga indi siya magpadalagan sa pagka-presidente kag pagkatapos ginbawi niya ang panug-an makaligad ang pila ka bulan. Lapnagon nga nagabanta nga indi siya magdaug sa eleksyon presiden-syal, luwas kon magbakal siya boto kag manipulahon ang subong pa lang gamiton nga *computer technology* para sa pag-isip sang mga boto. Gani nagahanda ang iya mga karibal sa pulitika sa pagbuyok sa pumuluyo nga maglunsar sang mga

higante nga protestang masa kag manawagan sang interbensyon militar sang ila mga kakumplot sa sulod sang reaksyunaryo nga armadong kusog.

Sin-o man kanday anay Sen. Raul Roco ukon artista nga si Fernando Poe, Jr ang mangaduha sa iya, madali matukod ang isa ka malapad nga nagahiliugyong prente para mag-alsa agud pasabton siya sa pagpangawat sa eleksyon. Sanday Eduardo Cojuangco sang nabantugan nga *coco levy*, anay presidente Joseph Estrada kag ang mga Marcos ang magatuyo nga magbenepisyo halin sa mga kinagamu pulitikal kag sa resulta sini. Sa paglaum nga "magadaug" siya sa eleksyon kag sa kakulba sa bayolente nga reaksiyon sang iya mga pangontra, nagatanyag na sang amnestiya kag pag-uliay buot sa pinakadaku nga mga buyong pareho kanday Cojuangco, Estrada kag mga Marcos.

Nagatanyag man siya sang kumbensyon konstitusyunal agud himuon nga isa ka parlamentaryong porma sang gubyerno kag

siya mangin presidente sa *estilong France*.<sup>3</sup> Kadungan man, nagalaum siya nga magapadipulos kag mapalipay ang US sa isa ka bag-o nga konstitusyon nga magadula sa mga prubisyon angot sa mga kinamatarung nga gintumod sa doktrinang *Miranda*<sup>4</sup>, bahin sa kahilwayan pang-ekonomya kag pagpangapin sa pungsodnon nga patrimonya kag sa pagdumili sa mga dumuluong nga base militar, mga dumuluong nga tropa kag *weapons of mass destruction*.

Posible man siya malutos sa eleksyon sa pihak sang maggamit niya ang tanan nga materyal kag mga mahigko nga padihut. Pero wala sang garantiya nga sin-o man ang magadaug sa sandigan mangin tuhay sa iya. Tanan nga mayor nga reaksyunaryong kandidato presidensyal makapadalagan bangud nagabaton sila sang pondo kag pasilidad sa kampanya halin sa mga mapanghimulos nga sahi sang dalagku nga kumprador kag agalon nga mayduta kag bangud nagapangako sila nga magasunod sa mga imperyalistang interes sang US.

May pila ka progresibo nga partido kag kandidato nga nagapapili sa mga pusisyon nga manubo sangsa presidente kag sa senado. Mahingalitan nila lapnagon nga kaakig sa mga pinakapoderoso nga reaksyunaryong partido kag pulitiko amo man ang mga kontradiksyon sa kubay sang mga reaksyunaryong partido kag kandidato. Makapadaug sila sa madamu-damo nga pwesto luwas lang kon magmaniobra ang mga imperyalista kag mga lokal nga reaksyunaryo agud balabagan ang ila pagdaug.

Angot sa palaabuton nga reaksyunaryong eleksyon, ang mga progresibo kag ang reaksyunaryong partido pulitikal kag kandidato pareho nagapalapit sa Partido kag sa iban nga rebolusyunaryong pwersa bangud sa baseng masa



sini. Bilang rebolusyonaryong prinsipyo, wala nagapati ang Partido nga ang elektoral nga paghimakas amo ang pinaka-epektibo nga paa-gi para maagum ang pungsodnon kag kahilwayan sosyal sang pumuluyo. Pero ginahatagan igtalupangud sang Partido ang paglapit sang mga partido kag kandidato pulitikal sa balayon sang nagahiliugyong prente.

Pagkatapos sundon ang direksyon sang US kag mga masupog nga papet sa militar, sa pagpanguna ni General Angelo Reyes, nga pagdeklarar sang polisiya nga todo-gera batuk sa rebolusyonaryong pwersa kag paralisahon ang mga negosasyon pangkalinungan sang GRP-NDFP umpisa Hunyo 2001, hayag nagapabutyag si Macapagal-Arroyo sining ulihi nga binulan nga gusto niya padayunon ang nasambit nga negosasyon. Wala pa sang kaathagan kon liwat buksan gid man ang pagsugilanon. Laban-laban nga nagapakita lang siya nga interesado sa sugilanon pangkalinungan agud pahumukon ang mapang-away nga reputasyon.

Wala untat nga nagapabutyag ang NDFF sang iya seryoso nga interes sa pagpadayon sang sugilanon pangkalinungan bangud gusto sini matukod ang Joint Monitoring Committee agud papagsikon ang implementasyon sang Comprehensive Agreement on Respect for Human Rights and International Humanitarian Law kag padasigon ang pagtinguha sa pagbalay sang Comprehensive Agreement on Social and Economic Reforms.

Ang labing nagalala nga krisis pang-ekonomya kag pangpultika sang nagaharing sistema nagapasingki sa pagpamigos kag pagpanghimulos sa malapad nga masa sang pumuluyo. Wala untat ang mga nagaharing reaksyunaryo nga ipasa sa ila ang bug-at sang krisis kag tapnaon sila kon sila nagapamatuk. Ang paglapas sa mga kinamatarung pang-ekonomya, pangkatilingban kag pangkultura nagaupod pirme sa paglapas sang mga kinamatarung sibil kag pulitikal.

Sa direksyon sang US kag sa duso sang globalisasyon sang "libreng merkado" kag sang "gera sa terorismo", wala pili nga ginalapas sang rehimeng Macapagal-Arroyo ang mga tawhanon nga kinamatarung. Pero wala niya mapaampo ang pumuluyo, labi pa nga may mga rebolusyonaryong pwersa amo man mga ligal nga demokratikong pwersa nga determinado nga nagapukaw, naga-organisa kag nagamobilisa sa ila.

Ang malapad nga masa sang pumuluyo nagadamu nga nagabangon agud itibong, pangapinan kag isulong ang ila mga pungsodnon kag demokratikong interes batuk sa dumuluong kag pyudal nga pagginahum kag sa nagataas nga pasistang huyog. Ang kahublagang mamumugon mapagros nga nagapangapin sa kinamatarung mag-unyon kag iban pa nga demokratikong kinamatarung kag gina-insister ang *across-the-board* nga dugang sweldo kag sa pagpakamalaut sa nagsinaka nga presyo sang langis, pagkaon kag iban pa nga basehang

kinahanglanon. Ginapamatukan sini ang mapintas nga aksyon sang estado kag mga kapitalista para sa magbuhin sa mga mamumugon, pagbuhin sa sweldo, waskon ang mga unyon kag pagbungkag sang mga welga.

Ang kahublagang mangunguma nagademanda sang tunay nga reporma sa duta kag nagapakamalaut kag nagapamatuk sa tanan nga padihut para bawion pati ang nauna nga pakita-tawo nga reporma sa duta kag dugang nga konsolidasyon sang duta sa mga kamot sang pila ka korporasyon kag pamilya sang mga agalon nga mayduta. Ang masang mangunguma kag mga etniko nga minorya ang pangunahon nga ginahalitan sang mapintas nga kampanya militar sang paglikup kag pagtapna amo man pareho sa kapintas nga pagpangtabog sang mga korporasyon kag sa pag-agaw sang duta sang mga pamilya sang agalon nga mayduta. Ang pigos nga pumuluyo sa kaumhan nagalunsar sang tanan nga porma sang paghimakas agud manindugan kag pangapinan ang ila mga kinamatarung.

Nakahimo sang mga aksyong masa ang kababainhan, ang pamatan-on, ang mga propesyunal, ang mga kultural nga aktibista, relihiyoso, mga patriyotikong negosyante kag iban nga sektor sang sosyedad agud hatagan tum-ok ang kumon nga interes ang ila tagsa ka sektoral nga interes. Nagaisa man sila sa mga mamumugon kag mangunguma agud hatagan tum-ok ang ila mga kumon nga interes sang mga sektor kag pasanyugon ang ila epektibidad kag paghiliusa. Nagalunsar sila sang mga aksyong masa sa lokal kag pungsodnon kalapad.

Ang mga Pilipino sa iban nga pungsod, nga kadam-an mga migrante nga mamumugon, amo ang napulo ka porsyento sang populasyon nga nagapadala sang malaha-

lon nga dolyar sa kaban sang estado. Patriyotiko sila kag gusto mag-trabaho sa ila kaugalingon nga pungsod kag mapalapit sa ila mga pamilya. Pero wala sila makakuha sang trabaho sa tunga sang lapnagon nga disempleyo. Ginakaakig nila ang pagbalibad sang reaksyunaryong estado nga hatagan sila sang proteksyon sa iban sa pungsod samtang ginakuhaan sila sini sang

daku nga balayran. Gani nagalunsar sila sang mga militanteng protesta sa luwas sang pungsod amo man ang ila mga pamilya sa pungsod.

Importante ang mga ligal nga kahublagang masa. Mabuyagyag nila ang mga kalainan sang nagaharing sistema kag kon kis-a makabunga sang pila ka reporma kag makapahalog sa ila kahimtangan. Pero indi nila mapabag-o

ang sandigan nga kinaiya sang mapiguson kag mapanghimulos nga nagaharing sistema. Ang armadong rebolusyon lamang ang mahimo makapukan sa nagaharing sistema kag makabulos diri sang isa ka bag-o nga sistema nga hilway sa imperyalismo, hilway sa mga mapanghimulos nga sahi, demokratiko, matarung, bugana kag mauswagon.

### 3. Labing Nagalala nga Pangkalibutanon nga Krisis

Ang pangkalibutanon nga sistemang kapitalista ginbayo sang pinakamalaut nga krisis sang sobrang produksyon kag krisis sa pinansya umpisa matapos

ang Ikaduha nga Gera Mundyal. Apat ka tuig na nga nagalala ang krisis pangkalibutanon.

Ang pinakamabasog nga mga ginagamang sang krisis amo ang mga pungsod sa Asia, Africa kag Latin America kag sa mga nag-atrasadong pungsod sa anay bloke sang Soviet. Tanan nga sentro sang pangkalibutanon nga kapitalis-

mo, ang US, ang European Union kag Japan, gindapuan sang internal nga krisis kag gulpe nga nagkupos ang pangkalibutanon nga merkado.

Nakabentaha ang US bunga sang establisado sini nga kusog sa ekonomya, pulitika kag militar, sa iya pagpanguna sa mataas nga teknolohiya kag kahimtangan nga pinakadaku nga merkado pangkonsumo kag bilang ultimo padulungan sang pinakadaku nga pagsulod sang kapital sa iban nga sentro sang kapitalismo, ang mga pungsod nga naga-eksport sang langis

kag tanan nga iban pa nga bahin sang kalibutan sang dekada 1990. Ginhatagan sini sang lubos nga kahalilwayan ang kadalukon sang

**Ang sandigan nga problema sang imperyalismo amo nga ang monopolong burgesya lubos nga nagaganansya sa pagbuhin sang mga trabaho kag mga kita sang mga matuod nga tagaprodukto kag sa ulihi pagwasak sa merkado sang mga produkto sang matuod nga ekonomya.**

monopolong kapitalista nga nagapanabon bilang globalisasyon sang "libreng merkado". Naganyat man sang dumuluong nga pondo ang mataas nga tantos sang interes sa US, ang mapagros nga *stock market*, ang bukal sang *high-tech* kag ang mabakal nga merkado para sa konsumo.

May ilusyon sang "bag-o nga ekonomya" nga wala untat sang pagtubo nga wala implasyon kag wala disenpleyo samtang ginamasaker ang mga regular nga trabahong pultaym kag ginabuslan sang mga trabahong partaym. Nagsobra ang suplay sang pinansya bunga sang sobra-sobra nga pagpangutang sang US sa luwas, pagpamakyaw sang mga korporasyon sa mga bangko kag pondo pangpensyon, ispekulatibo nga pagtingub sang mga kumpanya kag sobra nga pasweldo sa mga mataas nga upisyal sang korporasyon, kag sobra nga

pagkuenta sa balor sang mga propyedad duso sang bukal sang *high-tech*.

Umpisa Marso 2000, madalum ang ginhulugan sang ekonomya sang US. Ang pagtibusok sang pinansya ginlakipan sang pagsadsad sang *stock market* kag ang makatalapon nga indi mabayaran nga utang, nga nagtuga sang mga pagbangkrap sang *investment houses*<sup>5</sup> kag mga kumpanya industriyal. Indi ini malikawan bangud ang matuod nga ekonomya gintamaan sang sobra nga produksyon sang mataas nga teknolohiya, mga produktong industriyal kag agrikultural, dalagku nga depisit sa negosyo bangud sa sobra kadaku nga importasyon sang mga pangkonsumo kag daku nga utang sa luwas sang pungsod dala sang dumuluong nga pagpamuhunan. Sa wala untat sa pagtibusok sang US *stock market*, nadula ang US\$ 8 trilyon. Padayon ang paghina sang produksyon industriyal, nga may malip-ot nga panahon sang pagtubo sa pila ka kwarto sang tuig. Ang US may mataas nga utang publiko nga masobra US \$6.94 trilyon kag may neto nga utang pangluwas nga masobra US \$3.0 trilyon.

Sa pagsakdag sang neoliberal nga polisiya sang globalisasyon sang "libreng merkado", ang pangkalibutanon nga sistemang kapitalista nag-abot sa punto kon sa diin

ang krisis sang sobrang produksyon kag pagtibusok sang mga pinansya lunsay sa mga atrasado kag sa mga delopado nga pungsod nagabaslanay sa kada isa nga nagatuga sang pagkupos sang pangkalibutanon nga merkado sa kahalitan sang tanan. Ang sandigan nga problema sang imperyalismo amo nga ang monopolyong burgesya lubos nga nagaganansya sa pagbuhin sang mga trabaho kag mga kita sang mga matuod nga tagaprodukto kag sa ulihi pagwasak sa merkado sang mga produkto sang matuod nga ekonomya.

Sa idalum sang rehimeng Bush, ang US nagabatyag sang labing nagalala nga krisis sa ekonomya kag nangin mas agresibo sangsa una. Gintuyo sini nga



makabutwa sa krisis pang-ekonomya paagi sa pagbuhin sa buhis para sa mga monopolyong burgesya kag *investment houses* sini (nagabalor sang US \$2.65 trilyon sa sulod sang napulo ka tuig) kag pagbutang sang dugang nga kapital sa ila mga kamot, pagengganyo sa ila nga magpasakup sa produksyon panggera, paggarantiya sa ila mga kontrata sa pagbakal sang mga produkto militar, pagpangdabuk sa isterya para sa ginatawag nga gera sa terorismo kag paglunsar sang mga gerang agresyon. Samtang nagatalana ang mas daku nga pondo para produksyon panggera, pagpigis sa ngalan sang *homeland security* kag mga gerang agresyon, padayon ginabuhinan sang US ang sosyal nga gastos.

Daw lubos nga madinalag-on kag mabinungahon ang magkasunod nga gerang agresyon sang

batuk sa Afghanistan kag Iraq. Nakasakup ang US sang daku-daku nga bahin sang bag-o nga teritoryo pang-ekonomya sa porma sang mga kuluhaan sang barato nga kusog pangabudlay (ilabi na sa langis), patag sang pamuhunan, sakup sang impluwensya kag mga pusisyon sang kusog. Malipayon gid ang mga imperyalistang US nga gamiton ang maabot sa US \$400 bilyon agud liwat pun-an kag

pauswagon pa ang arsenal sini, nga kadam-an mga hinganiban sang madamuan nga pagpangsamad. Ang mga kontrata nga ginhatag sang guberno sang US sa *military-industrial complex*<sup>6</sup> sa ginatawag nga pang-ekonomya nga pagtubo sang US para sa ikaduha

kag ikatlo nga kwarto sang 2003.

Pero ang pagtubo nga ini nagakahulugan lang sang pagtubo sang produksyon kag tubo sang industriya militar. Indi ini makahimo sang talalupangdon nga kadamuon sang empleyo labi na sa manupaktura. Indi ini nagtuga sang talalupangdon nga paggamay sa 6 porsyento nga tantos sang disempleyo kag sa 3 milyon nga mamumugon nga Amerikano nga nadulaan trabaho sa idalum sang administrasyong Bush. Ang pagtubo nga wala trabaho indi makapatuhaw sa sustenidong pagbawi para sa balatianon nga ekonomya sang US.

Sa kahimtangan sang labing nagalala nga krisis sang pangkalibutanon nga sistemang kapitalista, nangin masnahon ang mga kontradiksiyon sa tunga sang mga imperyalistang gahum. Ang European Union kag Japan nakahimo man sang sobrang produkto industriyal

kag agrikultural kag nagainsister nga dulaon sang US ang mga direkta kag indirekta nga subsidyo sa mga prodyuser sini kag ipabilin nga bukas ang merkado sang US. Upod sa mga pungsod nga naga-eksport sang asero, lubos nila ginapamatuhan ang ang mataas nga taripa nga ginbutang sang US batuk sa importasyon sang asero. Naobligar ang rehimeng Bush nga magsunod sa mandu sang World Trade Organization nga panubun ang mataas nga taripa.

Pero sa halambalanon sang Iraq makita naton ang pila ka mabaskog nga kontradiksyon sa tunga sang US kag pila sa mayor nga imperyalistang alyado sini. Tuhtub subong, akig ang France, Germany kag Russia kabuylog ang China sa ginhimo nga pagpanggera kag pagsakup sang US sa Iraq. Sila ay may pinakamaayo nga rason sa pagpamala-bag sa gerang agresyon sang US sa Iraq bangud ang naulihi wala makahimo sang pagsalakay sa US kag sa padayon nga pagsunod sa desisyon sang UN Security Council para sa mga tim sang manugsaysat nga magapangita sang mga hinganiban sang madamuan nga pag-samad.

Kadungan man, ang France, Germany, Russia kag China, apat ka permanente nga katapu sang UN Security Council, may mga mada-wa-dawa nga kontrata sa Iraq. Sugod sakupon sini ang Iraq, gindula sang US ang nasambit nga mga kontrata sang gubjernong Iraqi sa mga kumpanya halin sa mga pungsod nga ini pero gina-insister gihapon nga buhinan ukon liwat iskedyul ang pagbayad sang Iraq sa ila mga utang. Hayag sila nga ginita pwera sang US sa mga importante nga kontrata para sa rekonstruksyon kag rehabilitasyon nga malapad ginwasak kag ginhalitan sang US antes kag samtang gin-lunsar ang ikaduha nga gerang agresyon batuk sa Iraq. Masaku ang



US sa programa sang pribatisasyon kag pagmonopolyo sa pribatisasyon sang langis, mga resorsa sang langis kag iban nga propyedad sang Iraq.

Ginbalidad sang rehimeng Bush ang mga atake sang Septyembre 11 agud salakayon ang Afghanistan kag pagtukod sang nagaalangot nga base militar kag mga balantayan militar sang US sa Central Asia kag sa rehiyon sang Caspian Sea agud makontrol ang mga resorsa sang langis sa mga rehiyon nga ini kag abangan ang pag-ilig sang langis pakadto sa Europe kag China nga liwan sa mga kontrolado nga tubo sini pakadto sa mga kumpanya sang langis sang US kag British. Sa amo man, ginsakup sang US ang Iraq agud direkta maangkon ang dalagku nga resorsa sang langis sini, makamentenar sang mga base militar agud kontrolon ang bug-os nga Middle East kag ipabilin ang US dolyar bilang kwarta sa mga transaksyon sa langis.

Samtang masako ang US sa pagsulod sa Central Asia sa balibad nga "gera sa terorismo", sa isa ka bahin daw bukas nga ginbaton sang Russia kag China ang pagpangubat pero sa pihak nga bahin dugang nagahimo sang kooperasyon militar sa tunga sang sang Russia, China, Kyrgyzstan, Uzbekistan kag Tadjikistan sa idalum sang Shanghai Cooperative Organization Treaty. Maathag ang US nagatuyo maniobrahon lunsay ang Russia kag China pero ang duha nagatinguha man nga pasanyugon ang ila pusisyon agud indi mabuno ang ila likod sang US.

Masaku subong ang solo nga superpawer kag ang iban nga tradisyunal nga imperyalistang kusog sa paghingalit sa lumos nga kahimtangan sang ikatlong kalibutan kag mga pungsod sa anay bloke ng Soviet. Nagatinguha sila nga magisa batuk sa mga pigos nga pumuluho kag pungsod diri paagi sa

paggamit sang UN Security Council, IMF, World Bank, WTO, NATO kag iban nga alyansang militar. Pero nagaagaway man sila sa pagpamuno bangud kinaiya sang mga imperyalistang gahum ang magtinguha sa padakuon ang ila tagasa ka pang-ekonomya nga teritoryo sa kalibutan. Posible nga magbangaanay ang mga ini sa atrasado kag nagbalik sa pigado nga mga pungsod. Angot sini, mahimo paaway-awayon sang mga estado nga nagapanindugan sa ila pungsodnon nga kahilwayan kag sang mga pigos nga pumuluyo ang mga imperyalistang gahum agud pungan, pahinayon ukon paslawon ang ila agresyon.

Ang nagadaku nga armadong pagpamatuk sang nagkalain-lain nga pwersang Afghan kag Iraqi amo ang ginapaligan subong sang US ikumparar sa iya mga kontradiksyon sa iban nga imperyalistang gahum. Ang nagapanibag-ong kusog nga Taliban kag iban nga pwersang *mujahedeen*<sup>7</sup> sa Afghanistan nagapadamu sang ila mga opensiba batuk sa US kag iya mga alyado sa NATO. Isa ka malapad nga kubay sang mga pwersa sa Iraq, lakip ang mga makabanwang burges, komunista, Sunni, Shia, Kristyano, Arabo, Kurds, Turks kag iban nga etnikong komunidad ang nagapakig-away sa pwersang okupasyon sang US kag iya papet nga Iraqi Governing Council.

Ginbaliskad na ang lamesa batuk sa mga pwersang US, nga sa subong amo ang ginatarget sang mga gerilyang opensiba. Ang tantya sadto sang ginatawag nga mga neo-konserbatibo sa rehimeng Bush, libre sila nga makalunsar sang mga gulpehan nga gerang

agresyon agud gub-on ang mga gubyrno nga nagapamatuk sa mga dikta sang US. Pero wala man nila nakonsiderar ang kakinahanglanon sang militar kag iban nga tinawo sang US nga magpabilin agud siguruhon ang mga dinag-an sa gera. Sa malawig nga panahon, tinguhaon sang US nga bantayan ining mga dalagku nga dinag-an nga iya gin-agaw kag mahigot ini sa pagpakig-away sa mga anti-imperyalistang pwersa kag pumuluyo.

Malahaloon para sa pumuluyo sa kalibutan ang paghimakas sang pumuluyong Iraqi kag Afghani para sa ila pungsodnon nga kahilwayan kag agud hatagan sang mga makalilipong nga bunal sa imperyalismong US. Kon wala ini, wala sang pagasantuhon ang US sa paglunsar sang mga gerang agresyon sa idalum sang doktrina nga pamugong nga gera kag para isulong ang pasismo

sa US kag sa kalibutan sa balibad nga isa ka permanente nga "gera sa terorismo".

Sa kabilugan, ang mga eksport sang mga pungsod sa Asia, Latin America kag Africa kag mga nagpigado nga pungsod sang anay bloke ng Soviet mga hilaw nga produktong materyal, pila ka semi-manupaktura kag mas gamay nga produktong manupaktura. Nagsobra ang produksyon sang tanan nga ini kag ang sobrang produksyon naglabot sa pagbuhin sang produksyon, mga pagkabangkrap kag madamuan nga pagpahalin sa trabaho. Ang masyado nga nagdaku ang mga depisit sa negosyo sang sining mga pungsod kag nagresulta ini sa malahigante nga balayran sa utang sang masobra US \$3 trilyon nga wala sang makita nga katibawasan sa sulod sang pangkalibutanon nga

**Ginbaliskad na ang lamesa batuk sa mga pwersang US, nga sa subong amo ang ginatarget sang mga gerilyang opensiba.**

kapitalistang sistema.

Mga balatianon nga kuting ang nahimo sa mga ginatawag mga tigre sa Southeast Asia bunga sang integrasyon sang China sa pangkalibutanon nga sistemang kapitalista kag iya sobra nga produksyon sang manubo sang balor nga gindugang nga mga pangkonsumo nga manupaktura kag mga semi-manupaktura para sa mga imperyalistang pungsod kag mga kaingod nga pungsod. Pero ang China mismo bulnerable bangud may madamu-damo sang mga pungsod padayon sa paghimo sang sobrang produksyon sang kaparehong produkto para sa mga imperyalistang pungsod kon sa diin nagkitid ang mga merkado nga pangkonsumo.

Ginalauman sang US mga ang pagsulod sang China sa WTO magaresulta sang dugang nga pagkabungkag sa mga industriya nga ginapanag-iyahan sang estado nga gintukod sadto sa idalum sang sosyalismo kag mapadasig sa kumpradorisasyon sang ekonomya sang China. Sang nakapangibabaw ang dalagku nga kumprador burgesya sa pungsodnon nga burgesya, sa amo lamang aktwal nga naglutaw ang iya monopolistang proteksyunismo kag pagkabentahuso sa halambalanon sang negosyo gani ang China, India, Brazil kag 17 nga iban pa nga atrasadong pungsod nag-upod batuk sa pusisyon sang US sa WTO.

Pila ka gubyrno sa ikatlong kalibutan ang nanindugan sa pungsodnon nga kahilwayan batuk sa pinakabaraghal nga antagonistikong tikang, imposisyon kag mga pamahog sang mga imperyalista. Ang pinakamalig-on sa ila amo ang

hugot nagapasulong sang pungsodnon nga kahilwayan kag sosyalismo. May yara man nga nakakuha suporta sang pumuluyo sa paagi sa pusisyon nga makabanwang burgesya agud pamatukan ang mga pinakamalaut nga padihut sang US. Isa nga nagapadayon nga bunga sang mga rebolusyonaryong kahublagan nga ginpamunuan sang proletaryado ang dekolonisasyon sang madamo nga pungsod umpisa matapos ang Ikaduha nga Gera Mundyal. Wala gid naga-isip-isip ang US sa paghimo halin sa neokolonyalismo mangolonya liwat ini.



Ang mga pigos nga pumuluyo kag pungsod

ang pinakadaku kag labing masaligan nga tuburan sang paghimakas batuk sa imperyalismo kag para sa pungsodnon nga kahilwayan kag demokrasya. Nagalunsar sila sang labing mabaskog nga pagpamatuk bangud nagaantos sila sang labi sa indi mabatas nga porma sang pagpamigos kag pagpanghimulos. Ang ila pagpakigsumpong sa imperyalismo amo ang pangunahon nga kontradiksyon subong. Sa kadam-an subong, ining kontradiksyon ginatabunan sang pagkamasinulundon sang mga papet nga gubyrno sa imperyalismo.

Sa kawad-on sang epektibo nga mga rebolusyonaryong partido sang proletaryado sa madamo nga pungsod, ang mga pigos nga pumuluyo kag mga nasyon ginapaidalum sa isa ka bahin nga kalakasan sang mga nagaharing reaksyunaryo ukon natunga sa mga bayolente nga mga reaksyunaryong kahublagan. Pero kon may mga rebolusyonaryong partido, magabangon ang mga pu-

muluyo kag mga nasyon sandig sa patriyotiko kag progresibong linya batuk sa mga imperyalista kag mga lokal nga reaksyunaryo. Makapauswag sila sang mga demokratikong kahublagang masa kag armado nga rebolusyonaryong kahublagang masa.

Sa subong, sa mga pungsod sa ikatlong kalibutan makit-an ang mga partido kag kahublagang masa nagasulong sang armadong rebolusyon. Yara ang mga ini sa Pilipinas, Nepal, India, Peru, Turkey, Colombia, Iraq, Afghanistan, *Eelam*<sup>8</sup> sang Sri Lanka kag iban pa. Ang armadong rebolusyon mahimo maglapnag pareho sa kalayo sa kacognan sa kadasigon sang labing nagalala nga pangkalibutanon nga krisis kag sa pagpanghalit sang US. Labing malahalang ang pagpalapnag sang armadong rebolusyon, labi ang mga malawigan nga inaway banwa sa mga agrikultural nga pungsod, isa ka daku nga importansya bangud maka-utod ini sa mga gaway sang imperyalismo kag magahanda sa proletaryado sa mga imperyalistang pungsod sa maabot nga inadlaw sa mapintas nga pagkigsumpong sa monopolyong burgesya sa pila ka adlaw.

Sa mga mayor nga imperyalistang pungsod kag sa mga minor nga kapitalistang pungsod, may lapnagon nga mga welga sang mga mamumugon kag mga aksyong protesta sang pumuluyo sa kabilugan batuk sa mga kahimtangan pang-ekonomya, pangkatilingban kag pangpulitika. Samtang nagahuramentado ang imperyalismong US sa paglunsar sang gerang agresyon batuk sa Iraq, ang pumuluyo nagbangon sang pila ka beses sa ginatos ka linibo kag minilyon sa mga pangunahon nga kabisera sang mga imperyalistang pungsod, lakip ang US, United Kingdom, Spain kag Italy. Sa pinakapunta sini, sa katung-anan sang Pebrero 2003, trenta ka milyon nga pumuluyo

nag-alsa sa sulod sang duha ka adlaw sa bilog nga kalibutan.

Sang nangbunggo ang US paagi sa gerang agresyon kag ang burges nga masmidya kag mga reaksyunaryong partido kag mga institusyon sang US nagalalaway bahin sa pagsuporta sa mga nagapanakup nga tropa, naglugdang ang kontra-gera nga kahublagan bangud lunsay ang mga organisado kag ispontanyong pwersa wala pa sang nagakaigo nga pwersa para makapangibabaw sa mga ipokritong pwersa nga naghatag suporta sa gerang agresyon. Ang kahinaan sang kahublagan kontra-gera kag anti-imperyalistang maugat sa rebisyunistang pagluib sa sosyalismo kag sa kasunod nga imperyalistang opensiba sa ideolohiya, pulitika kag ekonomya agud magbalos sa proletaryado kag sa pumuluyo sa kalibutan.

Ugaling, ang tuman nga pagpanghimulos kag pagpamigos sa idalum sang mga islogan nga globalisasyon sang "libreng merkado" kag "gera kontra terorismo" nagapukaw na sa pumuluyo sa kalibutan nga magbato kag mag-isa agud sumpungon ang imperyalismong US kag tapnaon ang dugang pa sini nga pagpaghimulos kag pagpamigos sa ila kag sa pagdala

sini sang panibag-o nga gerang pangkalibutanon. Pila ka panahon lamang antes sustenido nga magasulong liwat ang malapad nga anti-imperyalista nga kahublagan para sa pungsodnon nga kahilwayan, demokrasya kag sosyalismo.

Ginalauman naton nga mangin baraghal kag agresibo pa ang US. Kon indi ini lubos mahigot sang armadong nga pagpanikasog sang pumuluyo sa mga lugar nga gindestruso ini kag kon sa diin ginbungkag ang mga gubyrno paagi sa hinganiban nga *high-tech* pareho sa Balkans, Central Asia kag Middle East, magapadayon ini sa pagdabuk kag maglunsar sang mga gerang agresyon sa East Asia kag sa iban pa nga lugar.

Dapat naton sakdagon sa aton rehiyon ang paghiliusa sang tanan nga nagaluntad kag mga potensyal nga anti-imperyalistang pwersa kag buyukon sila sa paglunsar sang mga anti-imperyalistang paghimakas. Pat-ud nga dugang maga-imposar ang US sang iya pagginahum sa isa ka rehiyon nga iya gina-ibugan bilang

manggaranon nga kuluhaan sang mga natural nga resorsa kag barato nga kusog pangabudlay, bilang daku nga merkado kag patag sang pamuhunan. Gani permi ini nagapadihut kag nagamaniobra sa paglupig sa China, pagwasak sa Demokratikong Republika sang Pumuluyo sang Korea kag pagtapna sa inaway banwa sa Pilipinas.

Samtang ginatinguha naton nga isulong ang anti-imperyalista nga paghiliusa sa aton rehiyon, dapat man buyukon naton ang amo nga paghiliusa sa tanan nga konti-

**Dapat naton tun-an sang maayo ang mga leksyon halin sa aton mga istorikal nga inagihan kag halin sa aton subong nga paghimakas sa Pilipinas.**

nente kag mga pungsod. Makalaum kita sa paglutos sa imperyalismong US, ang Numero 1 nga kaaway sang pumuluyo sa kalibutan, kon nagahiliusa ang pumuluyo sa kalibutan kag nagapataas ang ila mga rebolusyonaryong

paghimakas sa nagapalapad nga sakup. Kumpyansado kita nga sa indi magdugay magabaha ang malapad nga anti-imperyalistang kahublagan kag ang kalibutanon nga rebolusyong proletaryo sa tunga sang labing nagalala nga krisis sang pangkalibutanon nga sistemang kapitalista.

## 4. Him-uson ang Tatlo ka Tuig nga Plano

Labing nagalala kada adlaw sang krisis sang lokal nga nagaharing sistema sang daku nga kumprador kag agalon nga mayduta kag sang pangkalibutanon nga sistemang kapitalista nagatuga sang tuman ka paborable nga kahimtanngan para sa pag-abante sang pungsodnon demokratikong rebolusyon sang pumuluyong Pilipino sa pagpamuno sang Partido Komunista sang Pilipinas. Kumpyansado kita nga mapatuman naton ang

subong nga tatlo ka tuig nga plano nga ginbalay sang Komite Sentral sang aton Partido.

Dapat naton ipatuman ang masunod nga mga mayor nga katuyuan sang plano:

**1. Pabaskugon ang Partido sa ideolohiya, pulitika kag organisasyon.** Palapnagon ang Marxismo-Leninismo-Maoismo. Isulong ang bag-ong demokratikong rebolusyon. Ilunsar ang kampanya sang rekrutment sang Partido nga may

target nga pila ka gatos ka linibo nga katapuan.

**2. Itib-ong ang liderato sang Partido sa Bag-ong Hangaway sang Banwa kag sa armadong rebolusyon.** Habigon ang minilyon nga pumuluyo sa armadong rebolusyon paagi sa polisiya kag mga taktika sang nagahiliugyong prente. Magpalapad kag magpabakod sang mga relasyon kag koope-rasyon sa tanan nga posibleng alyado.

**3. Palaparon ang mga prenteng gerilya sa mayorya sang mga munisipalidad, ilabi na sa mga estratehikong bahin sang kapuluan.** Kumprehensibo nga tukuron ng mga rekisitos para sa nahanunga nga bahin sang estratehikong depensiba paagi sa dugang nga pggalapad kag paghatag igta-lupangud sa pabalud-balod nga konsolidasyon sa kada banwa.

**4. Dugang pa nga palaparon kag pasingkion ang anti-imperyalista, antipyudal, antipasis-tang paghimakas.** Ihumulag kag pukanon ang rehimeng US-Macapa-gal Arroyo. Batuan ang nagapataas nga interbensyon militar sang US kag terorismo sang estado.

### ***Pagpalig-on sa Ideolohiya***

Dapat padayon sa pagpalapnag sang Partido ang Marxista-Leninista nga panindugan, panan-awan kag metodo kag ang mga basehang prinsipyo nga ginitib-ong sang Ika-duha nga Dungganon nga Kahublagan sa Panadlong. Dapat naton tun-an sang maayo ang mga leksyon halin sa aton mga istorikal nga inagihan kag halin sa aton subong nga paghimakas sa Pilipinas. Dapat naton tasaran kag himuan sang ebalwasyon ang aton subong nga hilikuton, tumuron ang aton mga kabaskugan kag mga kahinaan kag maghimo sang pagsaway kag pagsaway-sa-kaugalingon agud mapataas ang aton lebel sang rebolusyonaryong kamuklatan kag pauswagon ang aton hilikuton kag estilo sang trabaho.

Kadungan man, palapnagon naton ang pagbasa kag pagtuon sa mga sinulatan nanday Marx,

Engels, Lenin, Stalin kag Mao kag ilunsar ang pagtuon sa primarya, intermedya kag abante nga mga kurso . Dapat naton gamiton ang primaryang kurso agud masiguro nga ang tanan nga katapu sang Partido makahangup sang mga basehang prinsipyo sang Marxismo-Leninismo-Maoismo, ang intermedyang kurso sa pagsiguro nga tanan nga kadre sang aton Partido (ilabi sa nahanunga nga lebel) makahibalo mag-analisa kag maglubad sang mga problema sa ubay sang aton siyentipiko nga panan-awan kag pamaagi. Dapat naton gamiton ang abanteng kurso agud makapauswag sang pila ka libo nga kadre nga may ukon sa may responsableng pusi-syon sa sentral kag intermedya nga lebel sang Partido.



militar sang Partido sa sulod sang hangaway sang banwa. Ang mga kadre nga natalana sa hilikuton pang-edukasyon sa mga sahi kag sektoral nga organisasyon kag institusyon, amo man sa pila ka malahalon nga halambalanon, dapat seryoso magtuon sa naga-santo nga teorya kag magtuon sa pag-athag kag paglubad sang ginaatubang nga mga problema.

Bilang mga komunista, kita lunsay mga makabanwa kag internasyunalista. Dapat naton hibalo ang nagakalatabo sa Pilipinas kag sa bilog nga kalibutan. Dapat mag-angot ang Partido sa mga partido

komunista kag partido sang mamumugon sa luwas sang pungsod agud makigbayluhanay sang mga inagihan kag ideya sa ila sa mga relasyon baylateral kag mga multi-lateral nga tinipun-tipon. Gani ginapataas naton ang lebel sang mutwal nga paghangpanay kag itib-ong ang praktikal nga kooperasyon sang mga partido amo man sa mga pangmasang pormasyon.

Dapat naton hakson ang mayor nga halambalanon sa ideolohiya kag pulitika sa pangkalibutanon nga paghimakas sang proletaryado kag pumuluyo batuk sa imperyalismo kag reaksyon. Gani, ano pa man ang aton subong ginatungdan, nahangpan naton nga ang aton hilikuton para sa rebolusyong Pilipino isa ka amot sa malapad nga anti-imperyalistang kahublagan kag proletaryo-sosyalistang rebolusyon sa kalibutanon nga sakup.

### ***Pagpalig-on sa Pulitika***

Bilang abante nga destakamento sang sahing mamumugon, dapat pamunuan sang Partido ang pungsodnon demokratikong rebolusyon paagi sa malawigan nga inaway banwa. Dapat naton gamiton kag pauswagon lunsay ang rebolusyonaryo nga armadong paghimakas kag ang nagahiliugyong prente bilang mga hinganiban sa pagpu-kan sa kaaway kag sa pagpasulong sang paghimakas sang pumuluyo para sa pungsodnon nga kahilwayan kag demokrasya.

Angot sini, dapat naton himuon nga inspirasyon sa paghulag ang rebolusyonaryong ispiritu sang pag-alagad sa pumuluyo. Dapat naton pukawon, organisahon kag mobilisahon ang masa. Dapat naton padayon nga hibalo sa pumuluyo kon ano ang ila mga kondisyon, mga demanda kag ikasarang para sa ila benepisyo kag sa pagsulong sang rebolusyonaryong paghimakas.

Dapat padayon ang pag-in-



tegrar sang Partido sa rebolusyonaryo nga armadong paghimakas, matuod nga reporma sa duta kag pagtukod sang baseng masa agud matuman ang mayor nga kaundan sang demokratikong rebolusyon kag makatipon sa kaumhan sang kinahanglanon nga kusog para sa maagaw ang kasyudaran sa bug-os nga pungsod sa maabot nga inad-law.

Dapat magtukod kita sang mga prenteng gerilya sa mayorya sang mga banwa kag dugangan sang 20 % sang numero sini. Dapat naton abuton ang kusog- kumpanya sa kada prenteng gerilya, nga may platun bilang sentro-de-grabidad. Dapat tinguhaon naton nga may isa ka platun bilang sentro-de-grabidad sa kada banwa. Dapat naton timbangan ang pwersa sang hangaway sang banwa sa pagtukod sang mga milisya sang pumuluyo sa mga baryo kag mga yunit depensa kaugalingon sa mga organisasyong masa.

Dapat dapat may indi magnubo sa anum ka prenteng gerilya kada rehiyon. Dapat naton palaparon ang subong nga mga prenteng gerilya ukon padamuon ang ila numero agud paggamayon ang mga lat-ang sa tunga nila kag magpauswag ang kooperasyon kag koordinasyon. Ang sentro-de-grabidad para sa isa ka rehiyon mahimo isa ka platun, pinadaku nga platun ukon kumpanya, depende sa lebel sang kabilugan nga pag-uswag kag sang tereyn sa rehiyon. Ang pagtukod sang pangrehiyon nga pwersang pang-away sa malapad nga sakup patimaan sang panibag-o nga lebel sang pag-uswag sang aton inaway banwa.

Dapat kita magrekrut sang mas madamo nga mamumugon kag edukado nga pamatan-on para maghulag sa hangaway sang pumuluyo kag maayo nga nakumbinar sila sa mga Pulang hangaway nga halin sa sahing mangunguma . Dapat hanason naton ang indi magnubo sa 25

% sang aton mga Pulang hangaway agud mangin mga upisyal sa nagkalain-lain nga lebel. Dapat pabaskugon naton ang sistema sang kumand kag papagsikon liwat ang mga nasyunal kag rehiyunal nga kumand sa operasyon.

Dapat maghatag ang hangaway sang nagaigo nga tion sa pagtukod sang baseng masa nga malapad kag madalum agud sarang makasuporta kag epektibo makamaniobra (pareho sang dispersal, konsentrasyon kag pagsaylu-saylo) kag may ikasarang sa aton masunson nga paglunsar kag mapadaug nga mga taktikal nga opensiba. Dapat naton padakuron ang aton organisadong masa sang 30 asta 40 % kada tuig sa masunod nga tatlo ka tuig. Dapat magorganisa sang pumuluyo sa ginatos ka linibo sa kada rehiyon.

Dapat matutom naton nga pasingkion ang inaway banwa kag dapat maglunsar sang mga taktikal nga opensiba sang masunson nga sarang naton dag-on. Ini lamang ang paagi para makatipon kita sang armadong kusog kag magabante padulong sa pagpukan sa nagaharing sistema kag ang paghatag gahum sang mga mamumugon kag mangunguma. Ini lamang ang paagi para epektibo naton mabaturan ang interbensyon militar kag agresyon sang US.

Dapat naton ilunsar ang kampanya sa reporma sa duta kag iban nga kampanyang masa santo sa mga kahimtangan sang mga lokalidad. Dapat mapagros naton tukuron ang mga organo sang gahum pangpulpitika kag palig-unon ang mga ini paagi sang suporta sang mga organisasyong masa sang mga

mamumugon, mangunguma, kababainhan, pamatan-on, aktibista pangkultura, mga bata kag iban pa nga sektor. Sa kaumhan, dapat naton sundon ang antipyudal nga makasahing linya sa balayon sang nagahiliugyong prente para sa pungsodnon nga kahilwayan kag demokrasya.

Dapat kita magtukod sang nagahiliugyong prente paagi sa pagtukod sang madamo nga porma sang mga alyansa dugang sa basehang alyansa sang mamumugon-  
m a n g u n g u m a .  
Dapat naton tukuron ang alyansa sang mga progresibong pwersa paagi sa paghugpong sang masang anakbalhas kag sang petiburges sa syudad. Dapat man naton tukuron ang alyansa sang mga patriyotikong pwersa paagi sa paghugpong sa mga progresibong

**Agud padayon  
nga mapataas ang  
epektibidad sang  
pagpamuno sang  
Partido sa kaumhan,  
dapat ideploy  
sa kaumhan ang  
mga kadre kag katapu  
sang Partido  
nga mga mamumugon  
kag edukado nga  
pamatan-on.**

pwersa kag nahanunga nga burgesya. Sa diin man kag san-o man mahimo sa nasyunal kag lokal nga mga lebel, dapat kita magtukod sang temporaryo kag indi permante na alyansa sa mga reaksyunaryo pwersa nga nagapamatuk sa subong nga komon nga kaaway.

Dapat ipatuman sang Partido ang polisiya kag mga taktika sa nagahiliugyong prente agud malabot ang minilyon nga pumuluyo nga wala pa maorganisa sa rebolusyonaryong pwersa kag agud madugangan ang subong nga kusog sang rebolusyonaryong pwersa. Dapat naton gamiton ang nagahiliugyong prente agud isulong ang armado nga rebolusyonaryong kahublagan amo man sa ligal nga demokratikong kahublagang masa lunsay sa kasyudaran kag sa kaumhan.

Nagapanawagan ang Partido sa

tanang nga demokratikong pwersa sa Pilipinas nga mag-angot sa kapareho nila sa luwas sang pungsod agud itib-ong ang paghiliusa kag pagsuportahanay kag tukuron ang malapad nga anti-imperyalistang kahublagan. Nagatungod ang demokratikong pwersa sa Pilipinas sang nagapanguna nga papel sa pagpakigsumpong batuk sa globalisasyon sang "libreng merkado", mga imperyalistang gerang agresyon kag iban nga isyu. Dapat naton padayunon ini.

### ***Organisasyunal nga Pagpabakod***

Dapat permi sundon ang prinsipyo sang demokratikong sentralismo. Ang sentralisado nga pagpamuno nakabase sa demokrasya kag ang demokrasya ginaubayan sang sentralisado nga pagpamuno. Gina-sikway naton pareho ang burukratismo kag anarkiya. Dapat naton mentenaron ang balanse sang di-siplina kag kahilwayan, sang nagahiliusa nga determinasyon kag pagpabwelo sa inisyatiba agud batuan ang kaaway kag magmadilag-on.

Ang plano pang-organisasyon para padakuon ang Partido dapat nakabase sa subong nga katapuan kag ginatantya nga ikasarang. Dapat maghimo sang rasonable nga pagtantya paano padamuon ang subong nga katapuan. Nagakinahanglan kita sang ginatus-gatos ka linibo nga katapu sang Partido agud pamunuan ang paghim-os sa paghimakas para sa pungsodnon demokratikong rebolusyon. Kon wala sang signipikante nga pagdugang sa katapuan sang Partido, indi kita makahimo sang kon ano nga signipikante nga pagsulong sa rebolusyon kag indi kita magatungod sa madamo nga sari sang kinahanglanon nga hilikuton.

Dapat repasuhon kag analisisan sang Partido ang mga sahing ginha-

linan kag makasahi nga panindugan sang mga kadre kag katapu sang Partido agud siguruhon nga ang mayorya naghalin mayormente sa sahing mamumugon kag mangunguma. Dapat man repasuhon kag analisisan sang Partido ang dyographikal nga distribusyon sang mga kadre kag katapu sang Partido kag porsyento nila sa populasyon. Dapat naton itib-ong ang balansyado nga pag-uswag sang organisasyon sang Partido. Dapat naton pabaskugon ang mga mahina nga bahin sang organisasyon sang Partido kag labi pa nga pabakuron ang yadtong mabaskog na.

Dapat maabtik nga magrekrut sang mga kandidatong katapu sang Partido halin sa kubay sang mga pinakamuklat kag pinakamilitanteng elemento sa armado nga rebolusyonaryong kahublagan kag ligal nga kahublagang masa. Dapat siguruhon sang natungdan nga mga organo kag yunit sang Partido nga ang mga kandidatong katapu nakuha sang basehang edukasyon pang-Partido kag hatagan sang nagakaigo nga tipo kag kalawigon sang pagtilaw nga hilikuton sa sulod sang panahon nga gintalana sang konstitusyon sang Partido. Dapat maabtik nga batunon bilang lubos nga katapu sang Partido ang mga kandidato ng katapu pagkatakpos mahim-os ang rekisitos.

Dapat padayon magdebelopar ang Partido sang mga kadre kag katapu sang Partido amo man sa mga organo kag mga yunit sang Partido sa kahublagang mamumugon, sa Bag-ong Hangaway sang Banwa, sa mga kahublagang mangunguma, sa mga kahublagan sang mga petiburgesyang taga-urban kag sa mga kahublagan nga nagakabase sa isyu. Dapat ini magresulta sang mas madamo nga mayorya sang mga matapu sang Partido ang halin sa mamumugon kag mangunguma.


Agud padayon nga mapataas

ang epektibidad sang pagpamuno sang Partido sa kaumhan, dapat ideploy sa kaumhan ang mga kadre kag katapu sang Partido nga mga mamumugon kag edukado nga pamatan-on. Mahimo man temporaryo nga madeploy ang mga kandidatu nga katapu kag mga aktibistang masa halin sa kasyudaran pakadto sa kaumhan agud makatuon kag makatungod sila sang ila mga hilikuton.

Ang mga kadre kag katapu sang Partido dapat maghimo sang rebolusyonaryong hilikuton indi lang sa mga progresibong organisasyong masa kag institusyon kundi pati man sa mga reaksyunaryo, nga wala nagahayag kag paagi sa maayo nga estilo nga mapainubusan kag mapangkumbinse angot sa mga isyu. Makapila ka beses naton ginapamatud-an sang aton ikasarang sa pagtukod sang mga grupo sang Partido kag pagdebelopar sang mga patriyotiko kag progresibong seksyon sa sulod sang reaksyunaryong organisasyon kag mga institusyon. Nagmadinalag-on man kita sa pagtranspormar sa pila ka organisasyon kag mga institusyon nga sadto ginapamunuan sang mga reaksyunaryo.

Nagasalig kita nga sa pagtigayon sang aton subong tatlo ka tuig nga plano mangin mas mabakod kita kag magaangkon sang mas daku nga kadalag-an sa kada tuig nga pag-abante sang bag-o nga pungdodnon-demokratikong rebolusyon batuk sa imperyalismong US kag lokal nga mapanghimulos nga sahi. Ginpat-ud naton nga ang katumanan sang plano magahanda sa aton para sa mas daku nga mga paghimakas kag mas daku nga mga kadalag-an kag magapalapit sa aton sa lubos nga kadalag-an sang bag-ong demokratikong rebolusyon batuk sa imperyalismong US kag lokal nga nagaharing sahi.

AB



### **Mga Nota:**

<sup>1</sup>Mga institusyon nga makuhaan sang kapital pareho sang IMF, World Bank, mga pribado nga bangko kag iban pa nga institusyon pangpinansya.

<sup>2</sup>Mga pabrika kon sa diin sobra ang pagpanghimulos kag pagpang-abuso sa mga mamumugon-tuman kanubo ang sweldo, ginapalaba ang oras sang trabaho kag malain ang kundisyon sa pagtrabaho.

<sup>3</sup>Sa konstitusyon sang France nga gin-aprubahan sang 1958, labing ginpadaku ang gahum sang presidente kag ginbuhinan naman ang gahum sang parlamento. Ang prime minister kag kabinete ginanombrar lang sang presidente, lain sa mas lapnagon nga areglo sa parlamentaryong sistema sang gubyerno kon sa diin ang prime minister ang nagatindog nga puno sang gubyerno kag kon may presidente ini pangdekorasyon lang.

<sup>4</sup>Ligal nga doktrina nga naghalin sa isa ka tampok nga desisyon sang Korte Suprema sadtong 1966. Ginamandu sini nga bag-o arestuhon kag imbestigahon ang isa ka suspek, dapat ipahibalo sa iya sang nagaaresto nga pulis ang ligal nga kinamatarung niya nga indi pagtum-ukon ang kaugalingon sa ginaatubang nga kaso. Kon wala ini ginhimo sang pulis, indi pwede gamiton nga ebidensya ang anuman nga pahayag sang suspetsado.

<sup>5</sup>Mga kumpanya nga naganegosyo kag nagadumala sang mga sapi, seguro kag puhunan sang iban nga kumpanya kag mga indibidwal.

<sup>6</sup>Ginabug-os ini sang mga kumpanya nga nagahimo sang kagamitan panggera, sang establisyemento militar kag sang gubyernong US nga nagapadipulos sa galastuhan militar kag sa produksyon sang mga armas. Ang panawag nga ini una gingamit ni Pres. Dwight Eisenhower sang US sadtong 1961 nga ginpaandaman niya ang pumuluyong Amerikano batuk sa "mabaskog nga impluwensya sang military-industrial complex sa paghimo sang polisiya pangluwas sang US."

<sup>7</sup>Literal nga nagakahulugan sang hangaway sa isa ka jihad ukon balaan nga gera sang mga Muslim. Ini ang masami nga tawag sa mga katapu sang mga Islamiko nga kahublagang gerilya.

<sup>8</sup>Tamil Eelam ang bug-os nga ngalan sini. Ini ang independyenteng estado nga buot tukuron sang mga minorityang Tamil sa naaminhan kag nabagatnan nga bahin sang Sri Lanka. Ang armadong paghimakas diri ginalunsar sang Liberation Tigers of Tamil Eelam.



ANG

Bayan

Pahayagan ng Partido Komunista ng Pilipinas  
Pinapatnubayan ng Marxismo-Leninismo-Maoismo

Edisyong Hiligaynon  
Especyal na isyu  
Disyembre 26, 2003  
[www.philippinerevolution.org](http://www.philippinerevolution.org)

# Makahason nga isulong ang rebolusyong Pilipino sa tunga sang labing nagalala nga krisis sa kalibutan kag sa pungsod

**Mensahe sa ika-35 nga anibersaryo sang Partido Komunista sang Pilipinas**

*Ni Kaupod Armado Liwanag*

*Tsirman, Komite Sentral*

*Partido Komunista sang Pilipinas*

*Disyembre 26, 2003*

Sa ngalan sang Komite Sentral sang Partido Komunista sang Pilipinas, dungog ko nga ipaabot sa tanan nga kaupod, abyan kag sa malapad nga masa sang pumuluyo ang pinakamilitante nga pagtamyaw sang rebolusyonaryong paghiliusa sa okasyon sang ika-35 nga anibersaryo sang liwat nga pagkatukod sang Partido sa idalum sang teoritikal nga ubay sang Marxismo-Leninismo-Maoismo kag sandig sa kasaysayan sang Pilipinas kag subong nga hitabo.

Lubos kalipay nga ginasaulog naton subong ang mga dalagku nga kadalag-an nga natipon sang aton Partido sa isa ka malawig nga panahon, amo man sa mga bag-o nga kadalag-an nga nagaangkon sa idalum sang Tatlo ka Tuig nga Plano sang 1999-2002 kag sa nagligad nga tuig sa idalum sang Tatlo ka Tuig nga Plano sang 2003-2005. May mabakod kita nga tungtungan agud makahason nga isulong ang rebolusyong Pili-

pino sa tunga sang labing nagalala nga krisis sang pangkalibutanon nga sistemang kapitalista kag sang mga lokal nga nagaharing sahi sang dalagku nga kumprador kag agalon nga mayduta.

Ang naangkon naton nga mga kadalag-an lubos ginhatagan sang matutom nga pagtrabaho,

paghimakas kag mga sakripisyo. Angot sini, ginadanyaw naton ang tanan nga re

